

ԺԱՄԱՆԱԿԱԳՐԱԿԱՆ ՄԱՆՐ ՀԱՏՎԱԾՆԵՐ

Այս անվան տակ տալիս ենք ժամանակագրական մի շարք հատուկ տորեներ, որոնք գերազանցապես դեպքերին ժամանակակից անձնավորությունների կողմից արձանագրված եղելություններ են:

Ա. Բրիտանական թանգարանի հայերեն ձեռագրերի ցուցակում¹ № 116-ի տակ նշված ձեռագրի տարբեր էջերում հանդիպում ենք ժամանակագրական մի քանի տեղեկությունների, որոնք մեծ մասամբ վերաբերում են Կիլիկիայում տեղի ունեցած դեպքերին: Այդ տեղեկությունները սկսվում են 1102 թվականից և հասնում մինչև 1382 թվականը:

Բ. Մատենադարանի № 3189 ժողովածուի 91 թերթում գտնվում է Հուլաուի հաջորդների ցանկը: Ժամանակագրությունը սկսվում է դեպի Անդրկովկաս կատարած մոնղոլների առաջին արշավանքով և վերջանում 1359 թվականին Զելաիրների շեյխ Ուլեյսի գահակալության հիշատակությամբ: Ծնթադրում ենք, որ այս ժամանակագրությունը XIV դարի երկրորդ կեսից առաջ կազմվել չէր կարող:

Գ. Ժամանակագրական հատվածը գտնվում է № 84 ժողովածուի 282բ էջում: Այն վերաբերում է XIV դարի մի քանի նշանավոր վարդապետների մահվան ժամանակին: Ժողովածուի և ժամանակագրական տեղեկությունների գրության ձևը տարբերվում է միմյանցից, այդ պատճառով ենթադրում ենք, որ № 84 ժողովածուի ընդօրինակությունից (1614 թ.) հետո, ուրիշները վերահիշյալ տեղեկությունները մի որևէ վավերագրից մուծել են այնտեղ: Ժամանակագրական հատվածի հեղինակի հարցը չկարողացանք պարզել, սակայն կարելի է ենթադրել, որ նա XIV դարի վերջին քառորդից առաջ ապրել չէր կարող:

Դ. Ժամանակագրական տեղեկությունները գտնվում են №№ 3854 ժողովածուի 206բ և 4231-ի 71ա էջում: Ժամանակագրական այս հատվածը սկսվում է 846 թ. Գանձակի կառուցման և վերջանում 1338 թվին վերաբերող վկայություններով: Տեղեկությունները խիստ համառոտ են, որի պատճառով հնարավոր չէ թեկուզ մոտավոր բան ասել ոչ նրա հեղինակի և ոչ էլ կազմելու ժամանակի մասին: Սակայն հնարավոր է, որ վերջին վկայությունները դեպքերին ժամանակակից անձնավորություն արձանագրած լինի:

¹ „A catalogue of the Armenian manuscript in the British museum“ London, 1913, p. 290—292.

² Գ. Հովսեփյանը Մխ. Այրեվանեցու մահվան տարեթիվը պարզելու առնչությամբ օգտվել է ժամանակագրական այս հատվածից: Հավանորեն տպագրական սխալի պատճառով հրատարակության մեջ «222»-ի փոխարեն տպագրված է «272» (տես Գ. Թովսեփեանց, «Մխիթար Այրեվանեցի», Նրուսադէմ, 1931 թ., էջ 16):

Ժամանակագրական սույն հատվածի խորագրի՝ «Վասն անցեալ աւուրցն» ձեռք, մեզ ենթադրել է տալիս, որ նրա սկզբնական բնագիրը թերևս խորագիր չի ունեցել և որ վերոհիշյալ խորագիրն ամենայն հավանականությամբ դրվել է հետագայում, դրանով իսկ հակացնել տալով, թե առաջարկվող տեղեկությունները վերաբերում են անցած օրերին: Այս վկայությունները թեև խիստ համառոտ են, բայց և որոշ չափով վստահելի ու կարևոր տեղեկություններ են պարունակում: № 4231 տարբերակի տարբերությունները տրված են տողատակ:

Ե. Ժամանակագրական վկայությունները գտնվում են 1355 թ. ընդօրինակած ժողովածուի 147ա էջում (Ձեռագիր № 6938): Տեղեկությունները վերաբերում են 1457—1534 թվերին: Վերոհիշյալ տեղեկությունները տվյալ ժողովածուի մեջ ընդօրինակվել են հետագայում, հավանաբար դեպքերին ժամանակակից մի անձնավորության կողմից: Առաջարկվող վկայությունները խիստ համառոտ են, այդ պատճառով ոչ միայն հնարավորություն չունենք հեղինակի հարցը պարզելու, այլև նրանք ոչինչ չեն ավելացնում այլ աղբյուրներից մեղարդեն հայտնի միևնույն փաստերին: Կան վկայություններ էլ, որոնք ստույգ չեն, օրինակ Ջահանշահի սպանության տարեթիվը և այլն:

Զ. № 482 ժողովածուի 52բ, 54ա էջերում գտնվում են ժամանակագրական երկու փոքրիկ հատվածներ, որոնք ժողովածուի մեջ մուծվել են նրա երկրորդ գրչի կողմից և միանգամայն առանձին հատվածներ են: Առաջին հատվածն է (էջ 52բ) ընդգրկում է 1467 թվականից մինչև շահ Սեֆու (1629—1642 թ. թ.) ժամանակաշրջանը: Երկրորդ հատվածն ընդգրկում է 1525 թվականից մինչև 1576 թվականի դեպքերը: Երկու հատվածի նյութն էլ վերաբերում է Ակ-Կոյունլուների վերջին ներկայացուցիչներին և Պարսկաստանի Սեֆյան դինաստիայի մի շարք թագավորներին:

Է. Հալեպի հայերեն ձեռագրերի ցուցակում¹ գտնվում է 1311 թվից առաջ ընդօրինակված Սսի մայր Մաշտոցի նկարագրությունը: Այդ նկարագրությունից իմանում ենք, որ Մաշտոցի դատարկ էջերում գտնվում է Կիլիկիայի մի շարք կաթողիկոսների ցանկը, որի մի մասն արաձանագրել են իրենք կաթողիկոսները: Տեղեկությունները վերաբերում են 1380 թվականից մինչև 1797 թվականին: Բնագրում փակագծերում կատարված լրացումները պատկանում են ցուցակի հեղինակ Ա. Սյուրմեյանին:

Ը. № 1486 ժողովածուն ընդօրինակվել է 1597 թ. (էջ 196ա) հետագայում մեկ ուրիշ ժողովածուի 1ա էջում արձանագրել է օսմանական սուլթան Մուստաֆա I-ի երկրորդ անգամ գահ բարձրանալու հանգամանքները: Տեղեկությունները վերաբերում են 1618—1622 թվականներին:

Թ. Համարի տակ գտնվում են երեք փոքրիկ տեղեկություններ, որոնք վերաբերում են պարսկական երեք թագավորների գահակալության տարեթվերին՝ 1629—1666:

Սույն տեղեկությունները գտնվում են № 3194 ժողովածուի վերջին պահպանակի վրա, որոնց գրության ձևը տարբերվում է ժողովածուի գրիչ՝ Ազարիայի գրության ձևից: № 3194 ժողովածուն ընդօրինակվել է 1676 թ. այսինքն ժամանակագրական հատվածի վերջին վկայությունից 10 տարի հետո, նշա-

¹ «Մայր ցուցակ հայերեն ձեռագրաց Հալեպի և Անթիլիասի ու մասնաւորաց Բ հատոր, կազմեց Աբտաւազդ արքեպիսկոպոս Սիւրմէեան, Հալեպ, 1936, էջ 31—32:

նական է այդ տեղեկությունները № 3194 ժողովածուի մեջ մտել են նրա ընդօրինակությունից (1676 թ.) հետո, թերևս ժամանակակցի կողմից:

Ժ. № 745 ժողովածուի ընդօրինակությունից՝ 1607 թ. հետո, ուրիշները վերջինիս 193-րդ թերթի և սկզբի պահպանակի վրա ավելացրել են մի քանի տեղեկություններ, որոնք վերաբերում են 1654—1678 թ. թ. և արձանագրված են ժամանակակից տարբեր անձնավորությունների կողմից, հետևապես նրանք ստույգ են և վստահելի: Առավել հետաքրքիր են Ճահուկի Շողակաթ և Երնջակի ս. Կարապետ վանքերի ու սրան հարակից շենքերի վերաշինման աշխատանքներին վերաբերող տեղեկությունները, որոնք զգալի չափով շեղվում են մեղ հայտնի վկայություններից:¹

ԺԱ. Ժամանակագրության այս մի քանի տեղեկությունները, որոնք վերաբերում են 1679—1703 թ. թ., գտնվում են 1418 թ. ընդօրինակած № 5175 ժողովածուի VI թերթի վրա: Կարծում ենք ժամանակագրական տեղեկությունները հեղինակի ժամանակակից դեպքերին են վերաբերում, նշանակում է նա XVII դարի երկրորդ կեսի և XVIII դարի սկզբի անձնավորություն է:

ԺԲ. № 615 ժողովածուի վերջին էջի՝ 59թ, վրա հավանաբար գրվի կողմից արձանագրված են պատմական մի քանի տեղեկություններ, որոնք չնայած ընդգրկում են բավական մեծ ժամանակաշրջան՝ 611—1654 թ. թ., սակայն շատ համառոտ են և քաղմամբիվ այլ աղբյուրներից մեզ արդեն հայտնի:

ԺԳ. Սույն տեղեկություններն արձանագրված են № 7816 ժողովածուի վերջին էջի (43թ) ներքևի ձախ անկյունում, ժողովածուն ընդօրինակելուց հետո դեպքերին ժամանակակից դարաբաղցի կամ գանձակեցի մի անձնավորության կողմից: Վկայությունները վերաբերում են 1734—1758 թվականներին:

¹ Հմմտ. Մ. Սմբատեանց «Նկարագիր Ս. Գարապետի վանից Երնջակայ և շրջակայից նոցա», Տիփլիս, 1904, էջ 1—4: Ա. Վ. Սեդրակեան «Հնութիւնք հայրենեացի գաւառին Երնջակու», Վաղարշապատ, 1872, էջ 4—18: Ալեշան, «Սիսական», էջ 378—380:

Համառաւա պատմութիւն ժամանակաց,
 Եղև թափումն Երուսաղէմի և տիրեաց Գունդուֆրէ տրպոյ- 290
 լունն:¹

Ի թվին ՇԾԱ (1102) վաղջանեցաւ պարոն Հայոց Կոստան-
 5 զին, և էառ զիշխանութիւնն անդրանիկ որդին Թորոսն ||²

Ի թվին ՉՀԲ (1323), գնաց տէր Կոստընդին կաթողիկոսն, 291
 առ սուլտանն Մսրա || :

Ի թվին ՊԼԷ (1388), ի մայիս ԺԸ (18) յանկաւ ի Քրիստոս
 Թորոսն, որդի պարոն Օշին տուայ արուն ու պարոն աստաւած
 10 Յակսբանց:

Ի թվին Հայոց՝ ՉԾԴ (1305) Ղևոն թագաւոր, որդի պարոն
 Թորոսի, ի Քրիստոսի սուրբ ծննդեանն աւրն ձիււոր զիս գէե-
 թումս և տուցն տէր ջամբուլա Հայոց:³

Ի թվին ՉԿԶ (1317) Աւշին թագաւոր յգրկեց զիս զՀեթու-
 15 մբս, յառ բռէ Ըռուպէրտն տւառիւրաներն բրինձնի և յԱնափին:⁴

Ի թվին ՉԴԳ (1344) Կի թագաւորն Հայոց յգրկեց զիս զՀե-
 թում ախտուցն տէր ջամբուլայս Հայոց, ի Կոստնդնուպոլիս վասն
 իր թաղուհէ (SIC), որ բերի ի յերկիրս, գնացի ի դեսպանութիւն,
 նայ ոչ կամեցաւ դալ ի յերկիրս, կեցայ ի դուրս, ի յերկրէս,
 20 ամիս Զ (6) դարձայ ու եկի յերկիրս:

Ի թվին ՇԺԳ (1064) բարձաւ թագաւորութիւնն Հայոց:⁵

Ի թվին ՊԼԱ (1382), ի հոկտեմբերի Ա (1) աղատեցաւ Լե-
 վոն թագաւորն Հայոց ի Մսրայ ծառայութենէն, ու զնաց ի
 Գազալանք:⁶

25 Ի թվին Հայոց ՊԾԳ (1404), դեքտեմբերի Է (7) օրն, ի
 այշպակտսւ աաարն, ու սուտուն համազայի ||

Ի թվին ՊԺԸ (1369)-ն, ի մայի[s] տմսուս Ի-ն (20) երեկ 292
 Տարսոյ Նայիպն շուհ, որ է որդին, ի վրայ Սըսու, ի շաբաթ
 օր, կովեցան յուսինդինն ու իրք մի վզեն չկարցին այնել՝ ||

30 Ի նոյն թիւս ՊԼԱ (1382), ի նոյեմբերի Ա-ն (1), յոա-
 մատան ԺԳ (13), նստաւ Պտրևուին, սուլտան Մսրա:⁷

ՎԱՍՆ ԱՌԱՋԻՆ ԽԱՆՈՐԱՑ ՈՐ ՆՍՏԵԼ ԷՆ Ի ԹԱՎՐԷՁ

91ա

- Երբ առաջին թաթարն դուրս էր եկ թիւն էր ՈՀ (1221),⁸
 Երբ Մանգու զանն երեկ թիւն 2 (1251) էր,⁹
 Երբ Արդուն զանն նստաւ թիւն 2Գ (1254) էր,¹⁰
 5 Երբ Հուլաւունն ը նստաւ թիւն 2Ե (1256) էր,¹¹ 91բ
 Երբ Ղուլին փախեալ թիւն 2ԺԱ (1262) էր,¹²
 Երբ Ապաղէն նստաւ թիւն 2ԺԳ (1264) էր,
 Երբ Բէրէնի դուրս էր եր թիւն 2ԺԴ (1265) էր,¹³
 Երբ Արդունն ծնաւ թիւն 2ԺԶ (1267) էր,¹⁴
 10 Երբ Ահմատն նստաւ 2ԼԱ (1282) էր,
 Երբ Արդունն նստաւ թիւն 2ԼԳ (1284) էր,
 Երբ Բեղաթունն նստաւ թիւն 2ԼԵ (1286) էր,
 Երբ Բահատինն նստաւ թիւն 2ԽԵ (1296) էր,
 Երբ Ղազանն նստաւ թիւն 2ԽԷ (1298) էր,
 15 Երբ Խաբբանդէն նստաւ թիւն 2Մ (1301) էր,
 Երբ Բուսախտն նստաւ թիւն 2ԿԶ (1317) էր,
 Երբ Ղուռուժէն թալան արար 2ԿԸ (1319) էր,
 Երբ Սուրբիւն¹⁵ նստաւ թիւն 2Դ (1341) էր,
 Երբ Հասանն նստաւ թիւն 2ԴԳ (1344) էր,¹⁶
 20 Երբ Աշրաֆն նստաւ թիւն 2ԴԶ (1347) էր,¹⁷
 Երբ Վայիսն նստաւ ԳԸ (1359) թիւն էր,¹⁸ 93ա

ՎԱՐԴԱՊԵՏԱՑ [ՎԱԽՃԱՆ]ԻԼԷՆ¹⁹

262բ

- Հանգեալ ի Բրիստոս Ներսէս վարդապետն ի վանս Գլա-
 ձորոյ թվին Հայոց՝ 2ԼԳ (1284) ի փետրվարի 2 (6)²⁰ ի փառս:
 25 Վաղճանեցաւ սուրբ վարդապետն Մխիթար Այրիվանեցին
 թվականիս մերոյ 22Զ (1337) փետրվարի Ժ (10):²¹
 Յոհաննէս Որոտնեցին փոխեցաւ ի Բրիստոս թվին ՊՀԵ
 (1426),²² ի նոյն աւր ծնեալ յորում վախճանեալ և այս է Կախիկ
 վարդապետն: Եւ էր սայ գաւառաւ Որոտնեցի, յաշխարհէն Սիւն-
 30 եաց, ի գեղջէն Վաղատնոյ:
 Վախճանեցաւ Ջաքարիա կաթողիկոս Աղթամարցին թվին
 ՊԽԲ (1393) յունիսի ԻԶ (26):²³

ՎԱՍՆ ԱՆՅԵԱԼ ԱԻՈՒՐՅԱՆ²⁴

206բ

- Թիւն ՄԼԵ (843) շինեցաւ Գանձակ:²⁵
 35 ՆԼԵ (1046) շինեցաւ Հաղրաա և շարժն եկն:
 ՈԺԱ (1162) առաւ Գվին:²⁶
 ՈԻԵ (1176) խաւարեցաւ արեգակն:

34 թվին: 35 եկն շարժն: 37 ՈԻԱ փխ. ՈԻԵ:

- ՈԼԴ (1184) ղերսւսաղէմ ասին Տտճի[4]քն:²⁷
 ՈՅ (1201) առաւ. Բջնի:²⁸
 ՈՅԲ (1203) || առաւ. Տաւուշ:²⁹ 307ա
 ՈԵ (1156) առաւ. Ականայ:³⁰
 5 ՈՀԴ (1225) սուլտանն եհար ղիւանի ի Դասնի:³¹
 ՈՀԵ (1226) Թաթարն երեկ և կալաւ. ղՏակունք:³²
 ՈԶԱ (1232) Թաթարն եաւ ըզԳանձակ:³³
 ՈԶԵ (1236) Թաթարն երեկ ու ծածկեաց ղաշխարհս և կա-
 10 ւաւ ղԱւազն ի Կայնի:³⁴
 20 ՉԿԸ (1319) երեկ Ղուռումչին:³⁵
 ՉՀ (1321) շարժն երեկ:
 ՉՀԵ (1326) Չաւպանն զնայ ու չերեկ:³⁶
 ՉԶԴ (1335) Մսւսայիթն մեռաւ աշունն:³⁷
 ՉԶԷ (1338) Թամուրթաշն երեկ:

Ե

- 15 ԶԶ (1457) եկեալ է շարժն յԵզրնկան:³⁸ 147ա
 ԶԺԲ (1463) սպանել է Հասան պակն ղՃիանշան:³⁹
 ԶԻԳ (1474) կոտորեց խուանգքարն Ըզհասան պակն:⁴⁰
 ԶԼԱ (1482) եկաւ կրկին շարժն յԵզրնկայն:⁴¹
 ԶԽԷ (1498) եկաւ մահ սաստիկ:
 20 ԶԽ (1491) գեղով մեռաւ Աղուպ փոթշահ:⁴²
 ԶՄ (1501) եկաւ շահ Իսմայիլն:⁴³
 ԶԿԴ (1514) Սելիմն կոխեց զշահն:⁴⁴
 ԶԶԳ (1534) եկաւ Սուլեյմանն:⁴⁵

Զ

- Ի Թվին ԶԺԶ (1467) Ուզուն Հասան Ալի անուն, որ էր ի 52բ
 25 Վան քաղաք ղիւր հայրն եսպան՝ ղՃիանշահն և ինքն՝ Ուզուն
 Հասան նստաւ ի Թախտն:⁴⁶
 Ի Թվականին ԶԺԵ (1466) Ճիանշահն տիրեաց բազում աշ-
 խարհաց և գաւառաց ըռնութեամբ իւրովի կամօք մինչև ի Խո-
 րասան:
 30 Ի Քրիստոսի Թվականէն ՌՇՀԵ (1575) շահ Թահմազն յայտ-
 նեցաւ և յառաջեաց, և էր շահ Իսմայէլն ի Ղահդահ բերթն ի
 բանտի, ի դուրս եկն, և ել ի Թախտն և Թազաւորեաց, և ղու-
 հուր եղև Խուտապանտին և նստաւ Թազաւոր:⁴⁷
 Ի նոյն Թվականին ՌՇԶԵ (1585) Ամիր Համզան ի Թախտն
 35 ել և Գ (3) ամ Թազաւորեաց:⁴⁸
 Յարաբչութենէն ՅԶԿԹ (6969) ամին և ի մարգեղութենէ
 աստուծոյ բանին ՌՇԽԶ (1546) ամին, և ի Թազաւորութեան
 կողման հիւսսոս և արեւելից շահ Թահմազին:⁴⁹ որդւոյ Իսմայէլի,

1 տաճկունք: 3 Տաւուշ: 5 ղեանի սուլտանն եհար ի Գառնի: 6 Թաթար, ղտաճ-
 կունք: փխ ղՏակունք: 7 էառ: 8 և ծածկեաց փխ. ծածկեաց: 9 ղԱւազն, Կայնի: 10 ՉԿԸ
 էր, Ղուռումչին երեկ: 11 ՉՀ էր որ փխ. ՉՀ: 12 ՉՀԵ էր որ Չաւպանհանն զնայ և այլ
 չէրեկ: 13 ՉԶԴ էր Գուսայիթն: 14 ՉՀԵ էր որ Գամուրտաշն:

որդւոյ Հայատրի, վասն որոյ ամենեքեան հաւանեալ կացուդին
դնա թաղաւոր ի տեղի նստուալ թագաւորին: Այս Իսմայէլն ծնա-
նի զշտ: Թահմազն և նա զշտ: Իսմայէլ և զՆուտապէնտին և
Նուտապէնտին զշտ: Ապասն և շահ Ապասն եղբւր թագաւոր
5 զթոռն իւր զՍէֆի միւրդէն:

* * *

Թվականին ԶՀԴ (1525) շահ Թահմազն ելաւ:

օգտ

Թվականին ՌԻԴ (1575) մեռաւ Թահմազն թագաւորեալ ամս
ԾԱ (51):

Թվականին ՌԻԵ (1576) նստաւ շահ Իսմայէլն և սպան զիւր
10 է (7) եղբարսն: Թօխմախ սուլթան և Ամիրխան անունն իշխան
մի սպանին զշահ Իսմայէլն. և ասացին սուտ՝ թէ յրտես է գնաց-
եալ: Եւ յետոյ իմացեալ ամենացուն և գնացին ի Նորասան և
բերին զոմն Նուտաբանայ անունն շեխ գոլով՝ եղբայր շահ Իս-
մայէլին և որդի նոյն շահ Թահմազին, որ է յառաջմէ կարգեալ:
15 Թվականին ԶԽ (1491) նստաւ խանն սպանաւ յազգէ Բա-
յինտուրին և այլք զմիմեանս կոտորեցին: Եւ թագաւորեաց վրաց
Ղօրգօր,⁵⁰ ԼԻ (30000) մարդով եկեալ ի վերայ Յարզրումու յա-
ւարի, էառ զերկիրն և հարկատու արար զքաղաքն: Եւ էր ի թա-
գաւորութեան վրաց Կաստանդնոյ⁵¹ և ի կաթողիկոսութեան Հա-
20 յոց անառն Սարգսի:¹ Բ

Ի

31 (ԵԳ էջ 136՝ դատարկ էջի մը վրայ.)

Ի նուստ ի Թորոս կաթողիկոս (կարմիրով) Սըսցի նըստաւ
յաթոռ հայրապետութեան ի Թըւականութեանս Հայոց ԶՂԷ (1548)
փետրվարի ԺԲ (12), աւրն երեքշաբթի:

25 Ի նուստ և անպիտան Աղարիայ վարդապետ Զուղայեցի,
շնորհաւքն աստուծոյ կաթողիկոս նստաւ յաթոռ հայրապետու-
թեան Սըսայ ի Թվականիս Հայոց ՌԼԴ (1584) փետրվարի ԻԵ
(25), աւրն երեքշաբթի, Ղանդեանց տաւնի մեծ բարեկենդանին:

Ես նուստ Յովհաննէս վարդապետ Անթըպցի շնորհաւք և
30 ողորմութեամբն աստուծոյ նըստաւ աթոռ հայրապետութեան
Սըոայ, ի մեծ թվին Հայոց ՌԾԱ (1602), դեկտեմբեր Հոռոմոց
Ի (20), աւուր կիրակէի:

Ես նուստ Սիմէոն կաթողիկոսըս Սեփասաացի շնորհաւքն
և ողորմութեամբն աստուծոյ, նստաւ յաթոռ հայրապետութեան
35 Սըսայ, ի մեծ թվին Հայոց ՌԶԲ (1633) ձեռամբ նուստ (շա-
րունակությունը մեկ տող ծածկագիր և անհասկանալի):

Դ էջ 210՝ դատարկ էջի մը վրայ:

Նուստ Նաչատուր կաթողիկոս նստաւ յաթոռ հայրապե-
տութեան ի Սըս թվին Ռ (1551):

40 Նուստ Նաչատուր կաթողիկոս նստաւ յաթոռ հայրապե-
տութեան Սըսայ թիւն ՌԹ (1560), փետրվարի ԺԶ (16):

Փետրվարի Դ (4) թվ. ՌԼԳ (1584) առ Քրիստոս փոխեցաւ,
որոյ յիշատակն աւրհնութեամբ եղիցի, ամէն:

Նուստ Տիրատուր կաթողիկոս (սրբուած) նստաւ յաթոռ
հայրապետութեան Սսա. թվ. ՌԼԵ (1586) մարտ ամսոյ Դ (20),

5 Նուստ Բերիացի Պետրոս կաթողիկոս նստաւ յաթոռ հայ-
րապետութեան Ի Սիս թվ. ՌՃԾԷ (1608) տպրիէլ ԴԹ (20), օր
հինգշաբթի:

Նուստ Թորոս կաթողիկոս Սրսեցի՝ նստաւ յաթոռ հայրա-
պետութեան ՌՄԼԴ (1784), և փոխեցաւ առ Քրիստոս ՌՄԽԵ
10 (1796) սեպտ. ԻԴ (24) յօրն, որոյ յիշատակն օրհնութեամբ
եղիցի:

Նուստ Կիրակոս կաթողիկոս նստայ յաթոռ հայրապետու-
թեան, որ եմ եղբօր որդի վերոգրեալ Թորոս սրբազան կաթո-
ղիկոսին ՌՄԽԶ (1797) փետր. ԺԴ (14) յաւուր Տեառննդառաջի:

15 Զ էջ 434, Նուստ Կոստանդին կաթողիկոս գտայ զշաբա-
ղութիւնս հայրապետացն Հայոց զըրեալ ձեռամբ սուրբ հաւրն
մերոյ Ներսիս արքեպիսկոպոսի Տարսոնի, և ետու գրել ասա,
որ է այս ՌԾԹ (1610):

32 Ի մեծ թուիս Հայոց ՊԴԹ (1380) ամի յապոստոս ամ-
սոյ ԺԵ (15) Ի չորեքշաբթի աւր, հանգաւ Ի Քրիստոս պատուա-
կան հայրապետն Հայոց տէր Կոստանդին երկրորդ Լամբրոնայ-
ցին, որոյ յիշատակ նորին աւրհնութեամբ եղիցի:

Նուստ Յոհանէս կաթողիկոս նստայ Ի յաթոռ հայրապե-
տութեան Ի թվականիս Հայոց՝ ԶԼԵ (1486):

25 Նուստ Յոհանէս կաթողիկոս Թուրկուրացանլնյի (SIC) նրս-
տայ Ի յաթոռ հայրապետութեան Ի թվականիս Հայոց ԶԼԸ (1489),
յունվար ամսոյն ԻԶ (26), աւր չորեքշաբթի:

Ը էջ 436. Նուստ Յովհաննէս կաթողիկոս ամենայն Հա-
յոց նստայ յաթոռ հայրապետութեան Ի Սիս քաղաք թվին Հա-
յոց ԶՀԴ (1525), մայիս ամսոյ Ա (1), աւրն երկուշաբթի:

30 Նուստ Սիմեոն կաթողիկոս Զէթունցի նստայ յաթոռ հայ-
րապետութեան Ի Սիս քաղաք, Թվին Հայոց ԶԶԸ (1539), ապրիլ
է (7), աւրն երկուշաբթի:

Նուստ Ղաղար կաթողիկոս երկրորդ Զէթունցի նստայ
35 յաթոռ հայրապետութեան Ի Սիս քաղաքին, որ եմ հաւրեղբաւր
որդի Սիմէոն կաթողիկոսին, Թվին Հայոց ԶՀԴ (1545) յիշեցէք
Ի յաղաթս ձեր:

Ը

Թվին ՌՀԱ (1622) մայիս ամսոյ ԹՎ(9), աւրն հինգշաբթի,
սուրբ Մուսթաֆտն ելաւ. Ի հոր զուլայէն և ուրբաթ աւուր Ի
40 թախտ նստաւ, մայիս Ժ (10) աւրն և երեկոյ Ժամուն, զեղբաւր
որդին զՈսման թագաւորն խեղթեաց ձեռամբ Տաւսթ փաշա
ղաւարավարին իւրոյ, որ անիրաւութեամբ և բռնութեամբ տիր-
եալ էր զտեղ հաւրեղբաւր իւրոյ, Թվին ՌԿԷ (1618) փետրվար
ամսոյ ԺԶ (16) նստեալ մինչ ՌՀԱ (1622), Դ (4) ամ անցաւ Գ

1ա

(3) ամիս, և արն ըարձաւ ի միջոյ և ապագայն տեառն կամք
աւրհնեալ լիցի:

Թ

Շահ Սաֆի թաղսւոր նստաւ ԺԸ (18) տարակա[ն էր], Թվինն
ՌՀԸ (1629) ԺԴ (14) տարի թաղաւորեաց:⁵³

5 Շահ Ասլասն՝ Փոքրն, թաղաւոր նստաւ ԺԴ (14) տարեկան
էր. Թվինն ՌՂԱ (1642)-ուսն, ԻԵ (25) տարի թաղաւորեաց:⁵⁴

Շահ Սլեֆն թաղաւոր նստաւ Ի (20) տարեկան էր. Թվին
ՌՃԺԵ (1666):⁵⁵

Ժ

Առաջին պահպանակ:

10 Ի Թվին ՌՃԴ (1654) օգոստոսի Բ (2), մարերի ԻԸ (28)
ձահկայ սուրբ Շողակաթն կու շինէինք, աւուր չորէքշարթի ի
մէջօրէի արեգակն իաւարեցաւ յօգուտ (?) Ժամս մինչդի աստեղք
երևեցան վասն իմ մեղացն:⁵⁶

15 Ի Թվականութեանս մերոյ ՌՂ և Գ (1644) արկաւ հիմն 192ա
սուրբ Կարապետիս Երրնջակայ, և ի ՌՃԺ և Բ-ն (1663) աւրհ-
նեցաւ ի խաչ գիւտի աշնան եղանակին:⁵⁷ Իսկ սրահն և գաւիթն
ի ՌՃԺ և Գ (1664) ամին հիմնադրեցաւ, և ՌՃԺ և հնգին (1666)
կատարեցաւ ի հոկտեմբեր ամսոյ Ժ (10) նաւասարդի Հայոց Ե (5).
Աւարտեցաւ հարաւային կողման մեծ քոչքն ի Թվին ՌՃԺԴ (1665).

20 Ի ներքուստ հիմնարկաւ և ի Թվին հաղար ՃԺ և Զ (1667) կատա-
րեցաւ:^{57ա} հոկտեմբերի ԺԵ (15), նաւասարդի ԺԱ (11), ձեռամբ
ուստայ Յովանիսին:

Ի Թուին ՌՃԻԸ (1679) յունիսի ամսոյ Դ (4) աւուր չորեք-
շարթի ի հինգերորդ Ժամուն մեծասաստ շարժ եղև, մինչդի 193բ
25 կանթեղաց ձէթն և ջուրն ի միասին հեղաւ ի Սէվան կղզոյ յե-
կեղեցիսն, տէր Յիսուս ազատեսցէ զմեզ յամենայն վտանկից,⁵⁸
ամէն:

ԺԱ

Թվին ՌՃԻԸ (1679) մայիս ամսոյ աւո[ւր]ն Դ (4), չո- 6ա
րէ[քշարթի] շարժ եղև Երևան:⁵⁹

30 Սուրբ Դեղարդայ եկեղեցոյ շինուսն Թվին ՌՃԽԷ (1698):⁶⁰

Ստեփան[ոս] կաթող[ոս]կոսի մեռանելն Թվին ՌՃԽԷ (1698):⁶¹

Թվին ՌՃԽԸ (1699) հողոցն սելաւ եկաւ տարաւ գեղ:

Թվին ՌՃԽԸ (1699) դարպասին ձեռն տըւինք, սայկայն կա-
տարած աստուծոյ է դիտելի:

35 Թվին ՌՃԾԲ (1703) եկաւ ||| ⁶² օրն շ[ա]բ[աթ] տնորենյս 6բ
Քարէ Հասան խանն:

ԺԲ

ԲԱՆՔ ՆՇԱՆԱԿՈՂԻ ԹՈՒԱԿԱՆԱԻՆ ՀԱՅՈՑ

59p

- Ի Հայոց 4 (611) թուին երեկոյաւ Մահմետ:
- ԱճՀԱ (722) թուին Յոհան Օձնեցին պայծառացաւ. Ի Հայո:
- 3 ՅԱ (892) թուին տէր Մաշտոցն պայծառանայր:
- 5 ՆՀԸ (1029) թուին եղև արձակումն սատանային:
- ՇԱ (1052) թուին տէր Պետրոս կաթողիկոս Գետադարձն
պայծառացաւ:
- ՇԺԴ (1064) թուին բարձան թագաւորք Ի քաղաքէն Յանոյ:
- ՊԼԶ (1387) թուին Լանկ թամուրն ելաւ. Ի Սմրղանդայ:
- 10 ԶԲ (1453) թուին Օսմանլուն էառ զՍտամպոլ Ի Յունաց:
- ՌԻԴ (1575) թուին նստաւ Ի թախա սուլթան Մուրադն:
- ՌԻԹ (1580) թուին Ի թախտ նստաւ մեծ շահ Արտսն
Պարսից:
- ՌՀԵ (1626) թուին Ի սոյն առաջնոյ շահ Արասէն Էրզրում վար-
- 15 ւապետն էառ զհրաման լուսարարութեան սրբոյ Էջմիածնի:
- ՌՃԴ (1654) թուին Ի սուրբ Էջմիածնայ զանդապատուն
հիմն արկին:

ԺԳ

- ՌՃՁԴ (1734) թվին եկաւ Նադիր շահն Գանջու վերան, աշ-
- նան ժամանակին էր, որ եկն:
- 20 ՌՃՁԷ (1738) թվին Ի պրահիմ խանն սատկացրին, ճռուցն (?)
էլ աշնանն:
- ՌՃՂԴ (1745) թվին դարնան ժամանակն եկաւ Սարսան-
կոն, գնաց Նադիր շահն ԴՃՌ (300000) զօշուհով:
- ՌՃՂԸ (1749) թվին Փանահն էսպան, մէլիք Ալլադուլին՝
- 25 սեպտեմբեր ամս[ե]ան:
- ՌՃՂԹ (1750) թվին մէլիք Թամրադն սպանեցին մայիս
ամսունն:
- ՌՄԷ (1758) թվին Փանահ խանն [Դան]ջայ առաւ սուրբ
Խաչին ժամանակն:⁶³

43p

ԺԱՄԱՆԱԿԱԳՐՈՒԹՅՈՒՆՆԵՐ

1. Հեղինակը նկատի ունի խաչակրաց առաջին արշավանքի ժամանակ Գոտֆրիդ Բուլոնացու կողմից նրուսաղեմի գրավումը 1099 թ. հուլիսի 15-ին: (Տես և հմմտ. III ժամանակագրություն, էջ 74, էջ 90, ժանոթ. 7):

2. Տես և հմմտ. III ժամանակագրություն, էջ 75, էջ 90, ժանոթ. 9:

3. Սուլեյն և հաջորդ վկայությունների հեղինակը Նզրի տեր Հեթումն է, 'ուստանգին պայլի թոռը, որը Հեթում Բ-ի եղբոր որդի, Լևոն Գ թաղավորի սենեկապետն էր և խնամակալը: Այս վկայությունից խմանում ենք, որ Հեթումն ասպետ է կարգվել 1305 թ. հունվարի 6-ին: Ալիշանի կարծիքով Հեթումը սենեկապետ է եղել 1308—1325 թ. թ. («Սիսուան», էջ 485):

4. Բրիտանական թանգարանի հայերեն ձեռագրերի ցուցակի հեղինակը բնագրի «յառ ըռէ-ըրուպերտն տառիրաքնըն բրինձի յԱնփալն» հատվածը թարգմանել են. «to Rê (Roi) Rupert tivariraner Brinds (Prince) in Anaphi (? Naples)» (էջ 219) ձևով: Ընդգծված բառը աղճատված և կասկածելի է թվում:

Ձեռագիրը բնագիրը շունենալով ձեռքի տակ, մի շարք անհասկանալի բառեր բերում ենք այնպես, ինչպես հրատարակության մեջ է:

5. Բնագրում գրված է «Թզուհին հայոց» (էջ 291) ձևով: Կարծում ենք պետք է լինի «Թադաուրութիւնն Հայոց»:

6. Խոսքը վերաբերում է Կիլիկիայի վերջին թագավոր Լևոն Ե-ի եգիպտական գերությունից ազատվելուն և Իսպանիա մեկնելուն (հմմտ. Բասմաչեան Կ. Յ. «Լևոն Ե Լուսինեան վերջին թագաւոր Հայոց», 1908 թ., Պարիզ, էջ 72: Լևոնի գերության և գերությունից ազատվելու մանրամասնությունները տես անդ. էջ 56—73):

Բնագրի «Գաղալանքը» Արաղոնիան է, Իսպանիայի հյուսիս արևելյան մասում, տարածված Կաստիլիայի և Կատալոնիայի միջև: Մարտինոս Լեհացու Հռոմի պապերի և կայսրների ժամանակագրության հայերեն թարգմանության բնագրում կարգում ենք. «Ի սորին քահանայետութեան յամն առաջին (Հոնորիոս IV պապ, 1289 թ.—Վ. Հ.), Ֆիլիպ թագաւորն Ֆրանցիոյ, որդի Լոգգվիկոսին, որ և սուրբ յեառ, թագմութեամբ զօրօք գնացեալ եմուտ ի յերկիրն Արտկունիո, որ և Գաղալանք ասին: (Ձեռ. № 2037, էջ 64ա):

7. Խոսքը վերաբերում է մամլուկների Բուրջի դինաստիայից Զահիր Սեյֆ-ադ-դին Բարկուկ սուլթանին, որն իշխել է 1382—1389 թ. թ.:

8. Հեղինակը նկատի ունի մոնղոլների առաջին արշավանքը դեպի Անդրկովկաս: Սակայն այն տեղի է ունեցել 1220 թ. (տես I ժամանակագրություն, էջ 26, 29, ժանոթ. 28):

9. Մանգու զանը ըստ Լեն-Պուլի իշխել է 1251—1257 թ. թ.: Սակայն Բարտոլոմեո հավաստի համարում է 1251—1259 թ. թ. (էջ 177):

10. Խոսքը հավանաբար վերաբերում է Հայաստանում աշխարհագիր անցկացնող Արդունին (հմմտ. Կ. Գանձակեցի, էջ 348):

11. Հուլավյանների, կամ ինչպես Լեն-Պուլն է անվանում պարսկական մոնղոլների թագավորության հաջորդական կարգը տես VI ժամանակագրություն, էջ 118, 121:

12. Հեղինակը նկատի ունի 1262 թ. աշնանը Հուլաուի և Բերկեյի միջև տեղի ունեցած պատերազմը և վերջինիս զորավարներ Նոխայի, Ղուլի և այլոց պարտությունը: Մանրամասնությունները տես Ռաշիդ-ադ-դինի էջ 58—60, Կ. Գանձակեցի, էջ 378—380:

13. Խոսքն արդյո՞ք չի վերաբերում Ոսկե Հորդայի իշխող Բերեկին, տես և հմմտ. Ռաշիդ-ադ-դինի էջ 6: (Կ. Գանձակեցի, էջ 380—382):

14. Արդունի ծնունդը սխալ է ցույց տրված, համաձայն Ռաշիդ-ադ-դինի նա ծնվել է 1234 թ. մարտին, (էջ 64):

15. Աբու Սալիդի քույրը՝ Սաթի բեկ, տես էջ 121, ժանոթ. 14:

16. Տես և հմմտ. վերևում, էջ 142, էջ 150, ժանոթ. 17:

17. Տես և հմտ. վերևում, էջ 142, էջ 121, ծանոթ. 16:

18. Տես վերևում, էջ 118, էջ 121, ծանոթ. 18:

19. Վերնադիրը բնագրում գրված է կարմիր թանաքով:

20. Խոսքը վերաբերում է Մխիթար Սասնեցու ուսուցիչ Ներսես Մշեցուն, որը հայտնի է նաև Տարոնեցի անունով: Օրմանյանը Ներսես Մշեցուն և Ներսես Գլաձորեցուն համարում է տարբեր անձնավորություններ («Ազգագրատում», էջ 1696), կարծում ենք, որ ընդհակառակը, նրանք միևնույն անձնավորություններն են: Հմտ. «Ազգագրատում», էջ 1862: Սույն տեղեկությամբ հաստատվում է Ալիշանի կարծիքը («Միսական», էջ 131, հմտ. Գ. Հովսեփյան, «Մխիթար Սասնեցի», Վաղարշապատ, 1899, էջ 6):

21. Ժամանակագրության վկայությունը վերաբերում է ոչ թե պատմիչ Մխ. Այրիվանեցուն, որը մահացել էր դրանից երեք տասնյակից ավել տարիներ առաջ՝ 1289—1291 թ. թ. շրջանում (Գ. Հովսեփյան, «Մխիթար Այրիվանեցի», էջ 15), այլ Մխիթար Սասնեցուն (նույն տեղ, էջ 15): Հմտ. Օրմանյան, «Ազգագրատում», էջ 1862): Մխիթար Սասնեցու աշակերտ Մկրտչի տեղեկությամբ, որը դրել է իր ուսուցչի կենսագրությանը, նա մահացել է 1337 թ. փետրվարի 13-ին շաբաթ օրը («Մխիթար Սասնեցի», էջ 26—32):

22. Եթե ժամանակագրության տարեթվի մեջ չկա աղճատում, նշանակում է այն սխալ է: 2. Որոտնեցու մահը ընդունված է դեռ 1388 թ. ներքո («Ազգագրատում», էջ 1979: Ա. Վ. Սևյ-րակյան, «Հնութիւնք Հայրենեաց ի գաւառին Երնշակու», Վաղարշ, 1882, էջ 11: Ալիշան, «Միսական», էջ 378): Այդպես էլ նրա գերեզմանաքարի վրա գրված է. «Այս դամբարան պետի՛ն է և Մեծին Յովհաննու Որոտնէի, Պէլ (1388), Սմբատեանց, Վարդապետի Վա-նից Երնշակաւ...», թիֆլիս, 1904, էջ 362:

Հակառակ այս ցուցումին, մատենագրական մի շարք վկայություններ բուլղոսիյն այլ տեղեկություններ են տալիս: Այսպես ժամանակակիցներից՝ Գր. Խլաթեցին «Յիշատակարան աղէտից» (Վաղարշապատ, 1897), չափածո աշխատության մեջ Որոտնեցու մահը դնում է 1386 թ. ներքո, «Ի յութ հարիւր Հայոց թուական

Ընդորս և հինգ եօթն յաւելան (1386 թ.),

Յունուարի մին պահք Յայտնութեան

Լոյս արևուն խաւարեցան:

Մեծ վարդապետն անուն Յոհան,

Որ և Կախիկ անուն ծննդեան,

Յեա վեց աւուրն խաւարման

Փոխի աս Տէրն իւր անժամական» (էջ 1—2):

Թ. Մեծոփեցին ես հաստատում է Գր. Խլաթեցու վկայությունը («Պատմութիւն Լանկ-Քա-մուրայ...», Փարիզ, 1860, էջ 13—16, 55—56: Հմտ. Կիրակոս Ռշտունցու վկայության հետ, էջ 118):

Եթե վերջին վկայությունների մեջ չկա որևէ աղճատում, արդյո՞ք հավանական չի լինի, և թե ենթադրենք, որ 2. Որոտնեցու գերեզմանաքարի վրա գտնված տարեթիվը վերաբերում է ոչ թե 2. Որոտնեցու մահվան տարեթվին, այլ գերեզմանաքարի կանգնեցման տարեթվին: Կարծում ենք ժամանակագրության սկզբնական բնագրում 2. Որոտնեցու մահը գրված է եղել Պէլ թվականի ներքո, որը աղճատման հետևանքով դարձել է «Պէլ»:

23. Հմտ. «Նոստարք Հայոց», էջ 1: Այս վկայությամբ վերջանում է ժամանակագրական սույն հատվածը և ժողովածուն:

24. Բնագրում վերնադիրը գրված է կարմիր թանաքով:

25. Հեղինակը նկատի ունի Գանձակի հիմնադրումը: Այս կապակցությամբ Մ. Կաղանկատ-վացին գրում է. «Երկերիւր և ութսուն էր թուականն Հայոց (ամ տեառն 831), յորժամ կամե-ցաւ Մումին Տաճիկ ջահատակել ի Հոռոմս: ... Իսկ յետ երից ամաց Բաղդդի ոմն Ամիրայ եկեալ հրամանաւ իշխանին Տաճկած, Ամիր Մումին կոչի, և հասնաւ ի Նախիջևան քաղաք՝ ... յետ այսորիկ անցունելոյ երկուց ևս ամաց, եկն հազըր Փաազոս այր շամշոտ և անողորմ, և ի նմին ամի սատակեցաւ, իսկ նորուն որդին եկեալ էառ զաշխարհս սրով և գերութեամբ և զեկեղեցիս բազումս հրով այրեալ կիզեցա՝ և գնաց ի Բաղդատ: Եւ անտի դարձեալ եկեալ արքունի հրա-մանաւ և գանձուր չինեաց զԳանձակ քաղաք յԱրշակաշէն գաւառիս: («Պատմութիւն Աղուա-նից աշխարհի», Մոսկվա, 1860, էջ 265): Այսպիսով, եթե ընդունենք, որ արաբ հազ Փաազոսի որդին միևնույն տարին գնացել է Բաղդատ և ապա եկել ու կառուցել Գանձակը, այն դեպ-քում վերջինիս կառուցումը կընկնի 836—837 թվականին:

26. Խոսքը վերաբերում է Վրաց թագավոր Գեորգիի կողմից Դվինի գրավմանը, որն ինչպես վկայում է Ս. Անեցին, տեղի է ունեցել Հայոց ՈԺԱ (1162) թվի օգոստոսի 21-ին (էջ 137)։ ԸՄ. Ուտհայեցին ամիսը և տարեթիվը չի նշում (էջ 429)։

27. Խոսքը և՛ թե վերաբերում է Սալահեդդինի կողմից Երուսաղեմի գրավմանը, ապա այն տեղի է ունեցել 1187 թ. (Հայոց ՈԼԶ)։ Այս մասին տես էջ 92, ծանոթ. 28։

28. Հեղինակը նկատի ունի Ջաբարի և Իվանեի կողմից Բշնիի գրավումը։ Այս մասին տես էջ 52, ծանոթ. 13։

29. Տավուշն այժմյան Թուրք գյուղն է իր շրջակայքով, պատմական Արցախում։ Խոսքը վերաբերում է Տավուշի և այլ վայրերի Ջաբարյանների գրավմանը։ Կ. Գանձակեցին առանց ժամանակը հիշելու գրում է. «Այսպես և միև իշխանն, Ջաբար է անուն, և եղբայր իւր Սարգիս, Հայրն Շալուէի և Իւանէի ազդականք մեծ իշխանացն, ձեռնտուութեամբ նոցին, առին և նորա քաղում դաւառս ի Պարսից, և դերգաւ ամուրս զԳարդման, զՔարհերծ, և զԵրզնկանք, զՏաւուշ, զԿաթարթի և զՏէրունականն, զԳաղ, և զՇամքոր քաղաք...» (էջ 154—155)։

30. Այս տեղանունը Ստ. Օրբելյանը հիշում է Հաբանդ գավառում (էջ 517)։ Կ. Գանձակեցին այն ես հիշում է, սակայն այլ առիթով «... և ետ (Բաթու դանը— Վ. Հ.) ի նա (Հասան Զայլին— Վ. Հ.) զՀայրենիքն իւր զՁաւաքեւոյ և զԱկանայ և զԿառնաւոն, զոր հաճեալ էրն լաւաքաղաքն ի նմանէ ազգն քուրճաց և վրաց» (էջ 345. ընդգծումը մերն է— Վ. Հ.)։ Եթե նկատի աւնենանք վերոհիշյալ վկայութեան ընդգծված հատվածը և այն լրացնենք Ստ. Օրբելյանի «Որք (Ջաբարին և Իվանեն— Վ. Հ.) քաղում ջանիւ թափեցին զաշխարհս Հայոց ի Պարսից և առին յԱռանայ մինչև ցնեբքին Բասեն և ի Բարկուշատայ մինչ ի Մոնկերտու Առին դկարս, զՊաղաղապատ, զԿաղզվան, զՍուրբ Մարի, զԱնի, զԱնբերդ, զԲշնի և զԳառնի, զԴվին մայրաքաղաք, զԳարդման, զԳանձակ, զՋարէք, զՀերթ, զԴամբոր, զՇարի, զՊարտաւ, զՋաւրաբերդ» վկայությամբ (էջ 391—392), ապա կարող ենք եզրակացնել, որ Ջաբարյանները Ջաւրաբերդի հետ գրավել են նաև Ականան։ Եվ որովհետև այս գրավումները համաձայն Ստ. Օրբելյան, տեղի են ունեցել մինչև 1211 թ. (էջ 392), ուրեմն բնագրում Ականայի գրավման տարեթիվը հավանորեն աղճատված է՝ «ՈՄԵ (1206) թ. փոխարեն այն մեղ հասել է «ՈՒՆ» (1156) ձևով, մասնավորապես եթե նկատի ունենանք, որ ժամանակագրական այս հատվածում միայն սույն վկայության տեղն է խախտված։

31. Զայլեղդդինի արշավանքը Հայաստան։ Տես էջ 39, 56, ծանոթ. 36։

32. Մեղ անծանոթ վայր։ Թերևս ճիշտ է ՆՊ 4231 տարբերակի պահած «զՏաճկունք» ձևը։

33. Տես և հմմտ. էջ 26, էջ 30, ծանոթ. 30։

34. Խոսքը վերաբերում է 1236 թ. մոնղոլների Հայաստան արշավելուն։ Տես էջ 26, 30, ծանոթ. 31։

35. Մոնղոլ զորավար. Ստ. Օրբելյանը նրան համարում է «հազարապետն» (էջ 469), կամ «դօրադուլիք Զաւիանն և Խուտումչին» (էջ 476)։ Տես և հմմտ. էջ 118։

36. Տես էջ 100, ծանոթ. 135։

37. Բուսայիթ (Աբու Սայիթ) վախճանվել է 1335 թ. նոյեմբերի 30-ին։ Տես էջ 110։

38. Համաձայն Վարդան Բաղիշեցու վկայության, վերոհիշյալ երկրաշարժը տեղի է ունեցել ոչ թե 1457 թ., այլ 1458 թվին։ (Տես «Դիւան Հայոց պատմութեան», գիրք Ժ, էջ 71)։

39. Ինչպես արդեն ցույց ենք տվել Ջհանշահը սպանվում է 1467 թ. (տես վերևում, էջ 175, ծանոթ. 14)։

40. Խոսքը վերաբերում է Ակ-Կոյունլու Ուզուն Հասանի և Մուհամմադ Բ-ի միջև տեղի ունեցած պատերազմին, որի ժամանակ Ուզուն Հասանն իրոք պարտվեց։ Ժամանակագրության սույն վկայությունը հաստատում է XI ժամանակագրությունը (էջ 168—169)։

41. Հմմտ. Վարդան Բաղիշեցի («Դիւան Հայոց պատմութեան», գիրք Ժ, էջ 71)։

42. Հայկական աղբյուրները Յաղուբի մահը սովորաբար դնում են 1491 թ. ներքո (հմմտ. Ալիշան «Այրարատ», էջ 330), համաձայն Լեն-Պուլի հաշվումների, այն տեղի է ունեցել 1490 թ.։

43. Խոսքը վերաբերում է Իսմայիլ I-ի և Ակ-Կոյունլու Ալվանդի (Էլվենդ) Հայաստանում մղած կռիվներին։ Տես Բարսեղ Արճիշեցու (էջ 126—127) և Հակոբ Կարնեցու (էջ 239) ժամանակագրությունը։

44. Տես X ժամանակագրություն, էջ 156, 163, ծանոթ. 4։

45. Խոսքը վերաբերում է սուլթան Սուլեյմանի (1520—1566 թ. թ.) և շահ Թահմազի (1524—1576 թ. թ.) միջև տեղի ունեցած 1530-ական թ. թ. կռիվներին։ Ժամանակագրության վկայությունը վերաբերում է Սուլեյմանի դեպի Հայաստան կատարած 1534 թ. արշավանքին։

Հմտ. Հովհաննես բաճանա Արճիշեցու հիշատակարանի (Երևան Հայոց պատմութեան, գիրք Ժ, էջ 19—30) և ժամանակակից այլ հիշատակարանների հետ (Տաշեան «Ցուցակ հայերէն ձեռագրաց», Վիեննա, 1895, էջ 433 Բ. Սարգսեան «Մայր ցուցակ հայերէն ձեռագրաց», հատոր երկրորդ, Վիեննա, 1924, էջ 1172—1174 և այլն)։

46. N 482 ժողովածուի մէջ սույն վկայութեան հետեւում է մի փոքրիկ պատմութիւն (էջ 52բ) «Սկիզբն թագաւորութեան Կարմրազկին, որք են Ղլլաշք խորագրով Այստեղ թված է թաղավորների անունները միայն, առանց տարբերիւ Վերոհիշյալ պատմութիւնը տեղ է գտել Ա. Դավրիթեցու Պատմութեան 584—585 էջերում «Ազգաբնակութիւն Պարսից թագաւորացն» խորագրով, նկատի ունենալով, որ այդ պատմութիւնն աղբյուրագիտական տեսակետից առանձին արժեք չունի և բացի այդ, այն հրատարակված է, ուստի չորեքինք ներկա հրատարակութեան մեջ, Ջահանշահի սպանութեան վկայութեան մեջ, ըստ Լեւոնի, հեղինակը շփոթում է վերջինիս որդու Հասան Ալուն և Ակ-Կոյունլու Ուզուն Հասանին, ճիշտ է, որ 1467 թ. Ուզուն Հասանը սպանում է Ջահանշահին, բայց սխալ է, որ առաջինը վերջինիս որդին է։

47. Հմտ. XIII ժամանակագրութիւն, էջ 195։

48. Հմտ. նույն տեղ, էջ 196։

49. Շահ Բազմազ 1-ը թագավորել է 1524—1576 թ. թ.։

50. Խոսքը վերաբերում է Սամցխեյի աթարակ Կվարկվարին։

51. Կարթլիի թագավոր Կոստանդին II-ը իշխել է 1479—1505 թ. թ.։

51բ. Սարգիս Բ, կաթողիկոս Հայոց 1484—1515 թ. թ.։

52. Խոսքը վերաբերում է Օսման II (1618—1622 թ. թ.) սուլթանին և նրա հաջորդ Մուտաֆա 1-ին, որն առաջին անգամ գահ է բարձրացել 1617—1618 թ. թ., իսկ երկրորդ անգամ՝ 1622—1624 թ. թ.։

53. Շահ-Սեֆի 1-ին, թագավորել է 1628—1642 թ. թ.։

54. Շահ-Արաս II, թագավորել է 1642—1667 թ. թ.։ Ջաբարիա Ագուլեցին խոսելով սրա մահվան մասին գրում է. «Շահաբաս Լը Խ. ամացս («Օրագրութիւն», էջ 68), Այս վկայութիւնը հմտ. առաջարկվող վկայութեան հետ։

55. Շահ-Սուլեյման 1-ը, թագավորել է 1667—1694 թ. թ.։ Համաձայն Ջաբարիտ Ագուլեցու շահ Սուլեյմանը 18 տարեկան էր երբ գահ բարձրացավ։

56. Արևի խավարման վկայութիւնը հմտ. Ջաբարիտ Ագուլեցու «Օրագրութեան» (էջ 43) տեղեկութեան հետ։

Իսկ Ճահուկի Շողակաթ եկեղեցու վերաշինման մասին ուշինչ հայտնի չէ, Արևի մեջ բերելով Ալեքսան Ալեքոնոսեցի «Ժամբ» գրքի 1730 թ. հրատարակութեան տիտղոսաթերթը, որտեղ ասված է. «Եւս ածող ուրա ֆը. Ալեքոնոս Ալեքոնոսեցի, ի գիւղաքաղաքն Ճահուկոյ, և որդի Շահուկեաց վանից, ամի Տեառն ՌՉԼ աւելացնում է. «եկեղեցի էշմիածնական Հայոց որ յանուանի ոչ յիշի, եթէ Շողակաթ Լը և եթէ այլ նորոգեցաւ ընդ այլն որ յաւուրս Մովսիսի և Փիլիպպոսի կաթողիկոսաց» («Սիսական», էջ 490)։ Ներկա վկայութեամբ, որը շինարարութեան մասնակցողի տեղեկութիւնն է, հայտնի է դառնում Ճահուկի Շողակաթ վանքի շինարարական աշխատանքների ստույգ տարեթիւը։

57. Երնջակի Ս. Կարապետի վանքի և հարակից շէնքերի վերաշինման մասին բավական ընդարձակ վկայութիւն տալիս է Առ. Դավրիթեցին. «Եւ սա (Նսայի վարդապետը— Շ. Վ.) ևս յաւուրս Փիլիպպոսի կաթողիկոսի սկսաւ նորոգել զնոյն ինքն սուրբ Կարապետի վանքն, զի միանգամայն զամենայն յառաջագոյն եղեալ շինուածսն բակեալ եբարձ ի միշոյ, զեկեղեցին, և զաններն, և զխցերն, և զպարիսպն, և ապա շուրջանակի լայն և ընդարձակ, զհաստ և զբարձրագոյն պարիսպ էարկ, և ապա ի մէջն տունք և ապարանք ի բնակութիւն ինքեանց և հիւրոց» («Պատմութիւն Առաքել վարդապետի Դավրիթեցոյ», էջ 347)։ Այնուհետև Ա. Դավրիթեցին հիշում է, որ Ս. Կարապետի վանքի շինարարութիւնն ավարտելուց հետո, նրա օժտմը տեղի է ունենում 1653 թ. հոկտեմբերի 17-ին (նույն տեղ, էջ 348, հրատարակութեան մեջ «Ժէ» փոխարենն յիշատակում տված է «Մէ»)։ Սկզբում կարծում էինք, թե Երնջակի Ս. Կարապետի վանքի օժտման տարեթիւն Ա. Դավրիթեցու վկայութիւնն աղճատված է և պիտի լինի ոչ թե ՌՃԲ (1653), այլ ՌՃԺԲ (1663) ինչպես առաջարկվող վկայութիւնն է։ Այդ բանում համոզվելու համար ստուգեցինք Մատենադարանի Ա. Դավրիթեցու պատմութեան ձեռագրի վեց տարբերակները և նկատեցինք, որ ամենուր նշված է ՌՃԲ (1653) (տես՝ № 5081, էջ 341, № 1772, էջ 211բ, № 7296, էջ 215ա, № 5025, էջ 193ա, № 1773, էջ 227բ, № 4998, էջ 281բ)։

Ս. Կարապետի վանքի արևմտյան պատի, լուսամուտից վերև, խաչքարի վրա փորագրված է. «Նսայր Ե Ղազար վարդապետ շինողը թվ. ՃԹԴ» (Ս. Սմրատեանց, «Նկարագիր Ս. Կարապետի վանքի Երնջակա...», էջ 4: Հմմտ. Ա. Վ. Սեգրակեան «Հնութիւնք հայրենեաց ի գաւառին Երնջակա», էջ 16: Ալիշան, «Սիսական», էջ 379): Եթե սույն արձանագրութիւնները վերագրենք վանքի շինարարական աշխատանքների ավարտմանը, ինչպես այդ անում են Սմրատյանը և ուրիշները, ապա այն Ա. Դավրիժեցու վկայութիւնից շեղվում է մի դեպքում 2, մյուս դեպքում 3 տարով: Այսինքն վանքի շինարարութիւնն առաջին արձանագրութեան համաձայն ավարտվել է 1656 թ., իսկ երկրորդի՝ 1655 թ.: Նկատի առնելով այս հանգամանքը, կարծում ենք արձանագրութեան տարեթիւները հավանորեն վերաբերում են ոչ թե վանքի շինարարութեան ավարտմանը, այլ արձանագրութեան փորագրմանը: Թերևս դրանով բացատրվի երկու արձանագրութիւններում տեղ դրած տարբեր թվերի դոյութեան փաստը: Այսպիսով եթե կասկածելի չէ արձանագրութեան վերջին թիւերը և ճիշտ է վերոհիշյալ ենթադրութիւնը, ապա դրանով հաստատվում է Ա. Դավրիժեցու վկայութիւնը: Հետևապես Ս. Կարապետ վանքի շինարարութեան մասին առաջարկվող վկայութեան տեղեկութիւնը թերևս ավելի ճիշտ ու հավանական է:

Ա. Դավրիժեցին շինարարական ամբողջ աշխատանքները վերագրում է վանքի առաջնորդ Նսայրին, մինչդեռ վերջինս Ս. Կարապետի վանքի առաջնորդ է դառնում 1654 թ. («Սիսական», էջ 380), այսինքն վանքի օծումից հետո: Հետևապես շինարարական աշխատանքներն սկսվել են նրա նախորդ՝ Առաքել Բուպիկի օրոք: Իսկ Ս. Կարապետ վանքի հարակից շենքերի կառուցումները, որոնց մասին վկայում է ժամանակագրութեան սույն հատվածը, կարող ենք վերագրել նույն վանքի առաջնորդ Նսայրին:

57ա. Բնագրում մեկ բառ՝ շինարարութեան օրեկտը պակասում է:

58. Տես և հմմտ. վերևում, էջ 395:

59. 1679 թ. երկրաշարժի մասին միևնույն ձեռագրի 393բ էջում պահվել է մեկ ուրիշ վկայութիւն ևս, որտեղ կարդում ենք. «Թվին ՌՃԻԸ (1679) շարժ եղև մայիսի Դ (4) օրն շոթէքաբթի Երևանա»:

Այս երկու վկայութեան միջև ամիսը ոխալ է նշված, պետք է լինի հունիսի 4-ին: Այս հաստատում են Ջաբարիա Ազուլեցին (տես նրա օրագրութիւնը, էջ 143), Ջաբարիա Սարկավադը («Պատմագրութիւն», հատոր երկրորդ, էջ 104) և մեր ձեռքի տակ գտնված ուրիշ ժամանակագրութիւնները: Բացի դրանից, վերոհիշյալ վկայութեան համապատասխան 1679 թ. մայիսի 4-ը շոթէքաբթի է, մինչդեռ իրականում այդ օրը կլինի կիրակի, իսկ 1679 թ. մայիսի առաջին շոթէքաբթին կլինի մայիսի 7-ին: Մինչդեռ 1679 թ. հունիսի 4-ը իրոք շոթէքաբթի է: Տես և հմմտ. «Խաղբակյանք...», հատոր Գ, հավելված Բ, էջ 132—133:

60. Խոսքը վերաբերում է 1679 թ. հունիսի 4-ին տեղի ունեցած մեծ երկրաշարժից հետո կատարված շինարարական աշխատանքներին: Ալիշանը «Այրարատում» մեջ է բերում ժամանակակից մի վկայութիւն, ըստ որի «Ի Զորակն Այրեւմանից առաւել եղև աւերումն և քակտումն, վասն զի է ամենայն շինուածքն ի մէջ խոր ձորի, և շուրջ բոլորան՝ վէմք ահագին. և յորժամ շարժեաց՝ շուրջանակի թաւալեցան յամենայն վիմաց և լցան վանքն ամենայն, մինչ զի ոչ երեւիր նշմարանք շինութեան, բայց միայն կուտակա քարի երևէր, որք տեսողացն դարհուրեալ դողային...» (էջ 348): Այնուհետև հիշատակագիրը շարունակում է, որ վանքի նոր առաջնորդ Դավիթը, (վերջինիս նախորդը 1679 թ. մեծ երկրաշարժի ժամանակ գտնվելիս է եղել Երևանի Անապատ եկեղեցում, որտեղ և մահացել է եկեղեցու փլատակների տակ) (հմմտ. «Զ. Ազուլեցու օրագրութիւնը», էջ 143) ձեռնամուխ է լինում Այրիվանքի վերաշինման աշխատանքներին, որոնք, հիշատակագրի համաձայն, տեղի են ունեցել 1684—1687 թ. թ. միջոցում: Եթե ժամանակագրութեան և սույն վկայութիւններից որևէ մեկում թուրմիմացութիւն չկա, ապա մնում է ենթադրել, որ Դավթի 1684—1687 թ. թ. շինարարական աշխատանքների ժամանակ Գեղարդի եկեղեցին չի վերաշինվել, այլ վերաշինվել են նրա հարակից շենքերը. «...արար և սկսեալ շրջապատ բարձրաբերձ պարիսպ տաշեալ քարով, հաստատուն և ամրապինդ, նաև շինուածք բոլորակի, թանապալք, բոջք, ապարանք, սենեակք, խոհանոցք և այլ ամենայն շտեմարանք, տաշեալ քարով, կրով և թաղով, մինչև տեսողացն հիացեալք» (էջ 348): Իսկ եկեղեցին վերաշինվել է 1698 թ., ինչպես ճիշտ մատնացույց է առնում մեր ժամանակագրութիւնը:

61. Խոսքը վերաբերում է Ստ. Զուղայեցուն: Տես և հմմտ. վերևում, էջ 285, 287, ժանոթ. 10:

62. Բնագրի մի բառը վնասված է:

63. 1758 թ. սուրբ Խաչը կրկնի սեպտեմբերի 13-ին:

ՕԴՏԱԴՈՐՄԱՆ ՁԵՌԱԳՐԵՐԻ ՀԱՄԱՌՈՏ ԲԻՐԻՈԳՐԱՖԻԱ

№ 82. Զանազան նյութերի ժողովածու: Բերթերի բանակը՝ 276: Մեծությունը՝ 22×17 : Նյութը՝ թուղթ: Վիճակը՝ բավարար: Միասյուն: Նոտր գիր: Գրիչը՝ նսայի վարդապետ Թոխաթեցի, Հարություն սարկավազ Հադբատեցի: Ժամանակը՝ 1556—1762 թ. թ., 1670 թ.: Վայրը՝ Թոխաթ, էջմիածին:

№ 84. Աղոթքների, խրատների, տաղերի և այլ նյութերի ժողովածու: Բերթերի բանակը՝ 282: Մեծությունը՝ $21 \times 15,5$: Նյութը՝ թուղթ: Վիճակը՝ բավարար: Միասյուն: Նոտր գիր: Գրիչը՝ Զաքարիա Երզնկացի: Ժամանակը՝ 1614 թ.: Վայրը՝ անհայտ:

№ 482. Զանազան նյութերի ժողովածու: Բերթերի բանակը՝ 94: Մեծությունը՝ $22,5 \times 17$: Նյութը՝ թուղթ: Վիճակը՝ բավարար: Միասյուն: Նոտր գիր: Ժողովածուի մի մասն ընդօրինակվել է 1600 թ., գրիչը և վայրն անհայտ, իսկ մյուս մասը 1711 թ., Անտոն սարկավազի կողմից, Բաղեսոս Առաքելի վանքում:

№ 519. Վարդան Այդեկցու առակները և այլ նյութերի ժողովածու: Բերթերի բանակը՝ 126: Մեծությունը՝ $21 \times 14,5$: Նյութը՝ թուղթ: Վիճակը՝ բավարար: Միասյուն: Նոտր գիր: Գրիչը և վայրը՝ անհայտ: Ժողովածուի առաջին մասն ընդօրինակվել է մինչև 1604 թ.:

№ 582. Պատմական և այլ նյութերի ժողովածու: Բերթերի բանակը՝ 189: Մեծությունը՝ $17,5 \times 15$: Նյութը՝ թուղթ: Վիճակը՝ բավարար: Միասյուն: Բուլոն գիր: Գրիչը՝ Դավիթ, Կիրակոս Բանասեր և ուրիշներ: Ժամանակը՝ 1443 թ. հետո: Վայրը՝ անհայտ:

№ 615. Համառոտ հաւաքածու է դրոշ սրբոց: Բերթերի բանակը՝ 59: Մեծությունը՝ $19,5 \times 15,5$: Նյութը՝ թուղթ: Վիճակը՝ բավարար: Միասյուն: Նոտր գիր: Գրիչը՝ Բարսեղ արքեպիսկոպոս Փառակեցի: Ժամանակը՝ XVII դար (?): Վայրը՝ անհայտ:

№ 663. Քարոզների, պատմական և այլ նյութերի ժողովածու: Բերթերի բանակը՝ 279: Մեծությունը՝ $21,7 \times 16$: Նյութը՝ թուղթ: Վիճակը՝ բավարար: Միասյուն և երկսյուն: Նոտր գիր: Ժողովածուի 236—239 էջերում գտնվում է «Նոամեծի և քաջ վարդապետի Մխիթարայ Դոշի խառնակուն ճգնավորի և բանիբուն հոնտորի առաջնալ զաղօթս ի ժամ սուրբ պատարագին» աշխատության տպագիր բնագիրը: Ժողովածուն ընդօրինակել են տարրեր մարգիկ մինչև 1724 թ.: Հետո Պատմիչին վերագրված ժամանակագրությունը և Վահրամ Բաբունու չափածո պատմությունն ընդօրինակել է Պետրոս Աստապատեցին, 1724 թ.* Հալեպում:

№ 713. Պարզատոմար և այլ նյութեր: Բերթերի բանակը՝ 139: Մեծությունը՝ $14,5 \times 9,5$: Նյութը՝ թուղթ: Վիճակը՝ բավարար: Միասյուն: Նոտր գիր: Գրիչը՝ Հովհաննես, Բարսեղ: Ժամանակը՝ 1687 թ.: Վայրը՝ Շատախ դուղ (Գանձակի շրջանում):

№ 745. Ժողովածու: Բերթերի բանակը՝ 194: Մեծությունը՝ $15,3 \times 10,2$: Նյութը՝ թուղթ: Վիճակը՝ բավարար: Միասյուն: Նոտր գիր, բուլոն գիր: Գրիչը՝ անհայտ: Ժամանակը՝ 1607 թ.: Վայրը՝ Ուրհայ:

№ 1127. Զանազան նյութերի ժողովածու: Բերթերի բանակը՝ 234: Մեծությունը՝ 15×11 : Նյութը՝ թուղթ: Վիճակը՝ բավարար: Միասյուն, Նոտր գիր: Գրիչը և վայրը՝ անհայտ: Ժամանակը՝ XVII դար (?):

№ 1486. Պատմական նյութերի ժողովածու: Բերթերի բանակը՝ 211: Մեծությունը՝ 26×18 : Նյութը՝ թուղթ: Վիճակը՝ բավարար: Երկսյուն: Նոտր գիր: Գրիչը՝ Ղազար: Ժամանակը՝ 1597 թ.: Վայրը՝ Բաբերտ:

№ 1495. Պատմական, տոմարագիտական և այլ նյութերի ժողովածու: Բերթերի բանակը՝ 183: Մեծությունը՝ $25,5 \times 20,5$: Նյութը՝ թուղթ: Վիճակը՝ բավարար: Երկսյուն: Նոտր գիր: Գրիչը՝ Եփրեմ վարդապետ: Ժամանակը՝ 1684: Վայրը՝ Կ. Պոլիս:

№ 1737. Զանազան նյութերի ժողովածու: Բերթերի բանակը՝ 203: Մեծությունը՝ 20×15 : Նյութը՝ թուղթ: Վիճակը՝ բավարար: Միասյուն: Նոտր գիր: Գրիչը՝ Ասար Սեբաստացի: Ժամանակը՝ XVII դար: Վայրը՝ անհայտ:

№ 1786. Պատմական և այլ նյութերի ժողովածու: Բերթերի բանակը՝ 96: Մեծությունը՝

* Ժողովածուի 269-րդ էջում գտնվում է գրչի չափածո հեշատակարանը, որից իմանում ենք, որ նա Հեթում Պատմիչին վերագրված ժամանակագրությունն ընդօրինակել է և՛ ԱՀԱ ՅԱՌ Թուականի, Այսինքն Ա (1)+՝ (70)+Ա (1)+Ճ (100)+Ա (1)+Ռ (1000)=1173, սրան ավելացրած հայկ. 851 թ. = 1724 թ.:

15,9 / 9,5: Նյութը՝ թուղթ՝ Վիճակը՝ բավարար Միասյուն: Նոտր գիրը Գրիչը՝ Մարտիրոս գի Լուսարկու ժամանակը՝ XVIII դարի առաջին բառորդ: Վայրը՝ զանազան վայրեր:

№ 1469. Պատմական և այլ նյութերի ժողովածու: Թերթերի քանակը՝ 400: Մեծությունը՝ 21,6 X 13,3: Նյութը՝ թուղթ՝ Վիճակը՝ բավարար: Երկսյուն, իսկ ժամանակագրությունը միասյուն: Բոլոր գիրը Գրիչը՝ Անգրեաս սարկավազ Եվդոկիացի: Ժամանակը՝ 1585—1589 թ. թ.: Վայրը՝ Եվդոկիա (Թոխաթ):

№ 1973. Տոմարական և այլ նյութերի ժողովածու: Թերթերի քանակը՝ 327: Մեծությունը՝ 17,5 / 12: Նյութը՝ թուղթ՝ Վիճակը՝ բավարար: Միասյուն: Բոլոր գիրը Գրիչը՝ Աբրահամ և Դրիպորիս: Ժամանակը՝ 1342 թ.: Վայրը՝ Երզնկա:

№ 2037. Պատմական նյութերի ժողովածու: Թերթերի քանակը՝ 187: Մեծությունը՝ 28,5 X 21,5: Նյութը՝ թուղթ՝ Վիճակը՝ բավարար: Երկսյուն: Բոլոր գիրը Գրիչը՝ Յովասար Ապարահնյի: Ժամանակը՝ 1421 թ.: Վայրը՝ Կաֆա:

№ 2151. Գր. Տաթևացու Քարոզգիրքը: Թերթերի քանակը՝ 184: Մեծությունը՝ 18 X 14: Նյութը՝ թուղթ՝ Վիճակը՝ բավարար: Միասյուն: Նոտր գիրը Գրիչը՝ Մարտիրոս երեց: Ժամանակը՝ 1587 թ.: Վայրը՝ Սեբաստիա:

№ 3079. Պատմական նյութերի ժողովածու: Թերթերի քանակը՝ 379: Մեծությունը՝ 20,5 X 16,5: Նյութը՝ թուղթ՝ Վիճակը՝ բավարար: Երկսյուն: Նոտր գիրը Ընդօրինակությունը մասնակցել է մի քանի գրիչ մինչև 1693 թ.: Ժողովածուի երկրորդ մասն ընդօրինակել է Մարգար Երեց Ջմյուտնացին, 1693 թ., Կ. Պոլսում:

№ 3189. Տաղարան: Թերթերի քանակը՝ 156: Մեծությունը՝ 15 X 10: Նյութը՝ թուղթ՝ Վիճակը՝ բավարար: Միասյուն: Նոտր գիրը և բոլոր գիրը Գրիչը՝ Ղուկաս աբեղա, Մարտիրոս ժամանակը՝ 1627—1631 թ.: Վայրը՝ անհայտ:

№ 4231. Աստվածաբանական և պատմական նյութերի ժողովածու: Թերթերի քանակը՝ 120: Մեծությունը՝ 18 X 12,2: Նյութը՝ թուղթ՝ Վիճակը՝ բավարարից ցածր՝ սկզբից և վերջից թերի, կան մաշված թերթեր: Միասյուն: Բոլորագիրը ժամանակը՝ XV դար: Գրիչը՝ և վայրը՝ անհայտ:

№ 3194. Մաշտոց և այլ նյութեր: Թերթերի քանակը՝ 302: Մեծությունը՝ 14,5 X 9,5: Նյութը՝ թուղթ՝ Վիճակը՝ բավարար: Միասյուն: Բոլոր գիրը Գրիչը՝ Ազարիա: Ժամանակը՝ 1676 թ.: Վայրը՝ Նոք Զուլա:

№ 3425. Պատմական և այլ նյութերի ժողովածու: Թերթերի քանակը՝ 202: Մեծությունը՝ 15 X 10: Նյութը՝ թուղթ՝ Վիճակը՝ սկզբից թերի, կան կորած թերթեր: Միասյուն: Բոլոր գիրը և նոտր գիրը Գրիչը՝ Գրիգոր, Հակոբ: Ժամանակը՝ XVII դար: Վայրը՝ անհայտ:

№ 3527. Քարոզգիրք: Թերթերի քանակը՝ 162: Մեծությունը՝ 17 X 13: Նյութը՝ թուղթ՝ Վիճակը՝ բավարար: Նոտր գիրը և բոլոր գիրը Երկսյուն և միասյուն: Գրիչը՝ ժամանակը, վայրը՝ անհայտ:

№ 3695. Պատմական և այլ նյութերի ժողովածու: Թերթերի քանակը՝ 10: Մեծությունը՝ 16 X 10: Նյութը՝ թուղթ՝ Վիճակը՝ բավարար: Միասյուն: Նոտր գիրը Գրիչը՝ և վայրը՝ անհայտ: Ժամանակը՝ 1665 թվականից հետո մինչև 1694 թ.:

№ 3854. Աստվածաբանական նյութերի ժողովածու: Թերթերի քանակը՝ 310: Մեծությունը՝ 15,5 X 11: Նյութը՝ թուղթ՝ Վիճակը՝ բավարար: Միասյուն: Բոլոր գիրը Գրիչը՝ Հակոբ և ուրիշներ: Ժամանակը՝ 1471: Վայրը՝ Սոկոթիու (Շիրվանի երկիր):

№ 3964. Աղոթքների, մեկնությունների և այլ նյութերի ժողովածու: Թերթերի քանակը՝ 119: Մեծությունը՝ 20 X 13: Նյութը՝ թուղթ՝ Վիճակը՝ բավարար: Միասյուն: Նոտր գիրը Գրիչը՝ մի քանի հոգի: Ժամանակը՝ XVII—XVIII դար (?): Վայրը՝ անհայտ:

№ 4442. Պատմական նյութերի ծաղկաբաղ: Թերթերի քանակը՝ 778: Մեծությունը՝ 29 X 21: Նյութը՝ թուղթ՝ Վիճակը՝ բավարար: Միասյուն: Նոտր գրությունը Գրիչը՝ Ղևոնդ Փիրղալեմյան: Ժամանակը՝ XIX դարի երկրորդ կեսում: Վայրը՝ զանազան վայրեր:

№ 4515. Ընչխարբ պատմութեան Հայոց, էջերի քանակը՝ 328: Մեծությունը՝ 32,5 X 21: Նյութը՝ թուղթ՝ Վիճակը՝ բավարար: Միասյուն: Նոտր գրությունը Գրիչը՝ Ղևոնդ Փիրղալեմյան: Ժամանակը՝ 1873—1883 թ. թ.: Վայրը՝ զանազան վայրեր:

№ 4618. Քարոզների, մեկնությունների և այլ նյութերի ժողովածու: Թերթերի քանակը՝ 201: Մեծությունը՝ 20,5 X 15: Նյութը՝ թուղթ՝ Վիճակը՝ վնասված, կան կորած թերթեր: Միասյուն: Բոլոր գիրը և նոտր գիրը Գրիչը՝ Գրիգոր, Մելքոն, Իգնատիոս երեց: Ժամանակը՝ 1693—1700 թ. թ.: Վայրը՝ Վան:

№ 5175. Քարոզգիրք: Թերթերի բանակը՝ 414: Մեծությունը՝ $15,5 \times 13$: Նյութը՝ թուղթ: Վիճակը՝ բավարարից ցածր՝ վերջից թերի: Միասյուն: Բոլոր գիրը Գրիչը՝ Նիկողայոս կրոնա-վոր: Ժամանակը՝ 1418 թ.: Վայրը՝ Վարազ:

№ 5599. Զանազան նյութերի ժողովածու: Թերթերի բանակը՝ 233: Մեծությունը՝ 18×13 : Նյութը՝ թուղթ: Վիճակը՝ բավարարից ցածր, կան պոկված, մաշված թերթեր: Միասյուն: Բոլոր գիրը Գրիչը՝ Ստեփանոս բաճանա: Ժամանակը՝ 1347 թ.: Վայրը՝ Ուրեղ գյուղ (Կիլիկիայում):

№ 6354. Զանազան նյութերի ժողովածու: Թերթերի բանակը՝ 372: Մեծությունը՝ 25×18 : Նյութը՝ թուղթ: Վիճակը՝ բայթաված: Երկսյուն: Բոլոր գիրը և նոտր գիրը Գրիչը և վայրը անհայտ: Ժամանակը՝ 1735 թ.:

№ 6562. Զանազան նյութերի ժողովածու: Թերթերի բանակը՝ 206: Մեծությունը՝ 21×15 : Նյութը՝ թուղթ: Վիճակը՝ բավարարից ցածր: Երկսյուն և միասյուն: Նոտր գիրը Գրիչը և վայրը՝ անհայտ: Ժամանակը՝ 1686 թ.:

№ 6691. Պատմական նյութեր: Թերթերի բանակը՝ 8: Մեծությունը՝ 20×14 : Նյութը՝ թուղթ: Վիճակը՝ բավարարից ցածր: Միասյուն: Նոտր գիրը Գրիչը՝ Ստեփանոս Գյուլմուշյանցի: Ժամանակը՝ 1783 թ.: Վայրը՝ Օրթա գյուղ (Կ. Պոլսի շրջանում):

№ 6938. Մեկնությունների և այլ նյութերի ժողովածու: Թերթերի բանակը՝ 150: Մեծությունը՝ $16,5 \times 12$: Նյութը՝ թուղթ: Վիճակը՝ բավարարից ցածր: Միասյուն: Նոտր գիրը Գրիչը՝ Ավետիս, Նոտրի Ժամանակը՝ 1355 թ.: Վայրը՝ Աղջո վանք:

№ 7040. Տոմար և տոմարագիտական մեկնություններ: Թերթերի բանակը՝ 290: Մեծությունը՝ 14×15 : Նյութը՝ թուղթ: Վիճակը՝ բավարարից ցածր: Միասյուն: Նոտր գիրը Գրիչը՝ Առաքել: Ժամանակը՝ 1641 թ. (?) : Վայրը՝ Լայուռ բաղաբ (Հնդկաստանում):

№ 7584. Քարոզգիրք: Թերթերի բանակը՝ 722: Մեծությունը՝ $25 \times 17,5$: Նյութը՝ թուղթ: Վիճակը՝ բավարարից ցածր: Երկսյուն: Նոտր գիրը Գրիչը՝ Խաչատուր Զոլախ: Ժամանակը՝ 1698 թ.: Վայրը՝ Կ. Պոլիս:

№ 7709. Տաղարան: Թերթերի բանակը՝ 244: Մեծությունը՝ 15×11 : Նյութը՝ թուղթ: Վիճակը՝ բայթաված, սկզբից և վերջից թերի, կան մաշված և կորած թերթեր: Միասյուն: Նոտր գիրը Գրիչը՝ Խաչատուր (նույն ինքը Խաչատուր երեց): Ժամանակը՝ սկսել է գրել 1620 թվականից: Վայրը՝ Կաֆա:

№ 7715. Տաղարան: Թերթերի բանակը՝ 126: Մեծությունը՝ $14 \times 9,5$: Նյութը՝ թուղթ: Վիճակը՝ բայթաված: Միասյուն: Նոտր գիրը և շեղագիրը Գրիչը և վայրը՝ անհայտ: Ժամանակը՝ 1686 թ. (?) :

№ 7816. Քարոզգիրք և կանոնգիրք: Թերթերի բանակը՝ 43: Մեծությունը՝ 20×13 : Նյութը՝ թուղթ: Վիճակը՝ բայթաված: Միասյուն: Նոտր գիրը Գրիչը՝ Հովհաննես: Ժամանակը՝ 1614 թ.: Վայրը՝ Թբիլիսի:

№ 7841. Պատմական նյութերի ժողովածու: Թերթերի բանակը՝ 317: Մեծությունը՝ $29 \times 15,5$: Նյութը՝ թուղթ: Վիճակը՝ բավարարից ցածր: Երկսյուն: Նոտր գիրը Գրիչը՝ Բաղդասար զպիր: Ժամանակը՝ 1669 թ.: Վայրը՝ անհայտ:

№ 8100. Զանազան նյութերի ժողովածու: Թերթերի բանակը՝ 371: Մեծությունը՝ 21×15 : Նյութը՝ թուղթ: Վիճակը՝ վնասված: Միասյուն: Նոտր գիրը Գրիչը՝ Մանվել բաճանա, Կարապետ վարդապետ: Ժամանակը՝ 1784 թ.: Վայրը՝ Կարս:

№ 8184. Պատմական նյութերի ժողովածու: Թերթերի բանակը՝ 58: Մեծությունը՝ $19,5 \times 15$: Նյութը՝ թուղթ: Վիճակը՝ բավարարից ցածր, վերջից թերի: Երկսյուն: Նոտր գիրը Գրիչը և վայրը անհայտ: Ժամանակը՝ 1672 թ. հետո:

№ 8233. Զանազան նյութերի ժողովածու: Թերթերի բանակը՝ 151: Մեծությունը՝ 21×15 : Նյութը՝ թուղթ: Վիճակը՝ բավարարից ցածր: Միասյուն: Նոտր գիրը և շեղագիրը Գրիչը՝ Հիմնականում Իսահակ վարդապետ, Հովհաննես զպիր: Ժամանակը՝ 1693—1695 թ. թ.: Վայրը՝ Թաթևոս Առաքելի վանք:

№ 8481. Պատմական նյութերի ժողովածու: Թերթերի բանակը՝ 217: Մեծությունը՝ $15,5 \times 11,5$: Նյութը՝ թուղթ: Վիճակը՝ վնասված: Միասյուն: Բոլոր գիրը Գրիչը և վայրը անհայտ: Ժամանակը՝ XIV դար. վերանորոգված:

№ 8509. Զանազան նյութերի ժողովածու: Թերթերի բանակը՝ 215: Մեծությունը՝ 15×11 : Նյութը՝ Թուղթ: Վիճակը՝ բավարարից ցածր: Միասյուն: Նոտր գիրը ժողովածուի առաջին մասի ընդօրինակության ժամանակը, գրիչը, վայրը՝ անհայտ, երկրորդ մասի գրիչը՝ Դավիթ, ժամանակը՝ 1688 թ.: Վայրը՝ անհայտ: